

მიღებულია

ფრაქცია „ერთიანი ნაციონალური მოძრაობა“

2021 წლის 03 დეკემბრის დამფუძნებელ სხდომაზე

ფრაქციის თავმჯდომარე ბექა ქორჩილავა

ფრაქცია „ერთიანი ნაციონალური მოძრაობა“

წესდება

თავი 1

ზოგადი დებულება

მუხლი 1.

1. ფრაქცია „ერთიანი ნაციონალური მოძრაობა“ (შემდგომში „ფრაქცია“) არის საერთო პოლიტიკური შეხედულების მქონე საკრებულოს წევრთა ნებაყოფლობითი გაერთიანება

2. ფრაქციის შექმნისა და საქმიანობის სამართლებრივი საფუძველია:

საქართველოს კონსტიტუცია, „ადგილობრივი თვითმმართველობის კოდექსი“ საქართველოს ორგანული კანონი, გორის მუნიციპალიტეტის საკრებულოს რეგლამენტი და სხვა შესაბამისი ნორმატიული აქტები.

თავი II

ფრაქციის მიზნები და ამოცანები

მუხლი 2.

ფრაქციის ძირითადი მიზნები და ამოცანებია:

ა) საკრებულოში ქვეყნის საგარეო და საშინაო საკითხებთან დაკავშირებით საკუთარი პოლიტიკური კურსის გამოხატვა და გატარება;

ბ) საკრებულოს საქმიანობის სრულყოფაში მონაწილეობის მიღება;

გ) საკრებულოს წევრთა შესაძლებლობების მაქსიმალურად გამოვლენა და მათი აქტიურობის გაზრდისათვის, ასევე მათ მიერ საკრებულოს რეგლამენტის მოთხოვნათა შესრულებისა და საკრებულოს წევრთა ქცევის სტანდარტების დაცვისათვის ხელშეწყობა;

დ) საკრებულოს კანონშემოქმედებითი საქმიანობის განხორციელებაში ფრაქციის შეჯერებული აზრის გამოხატვა;

ე) ფრაქციის პოლიტიკური პლატფორმის განხორციელება;

თავი III

ფრაქციის ძირითადი უფლებამოსილებები

მუხლი 3.

ფრაქცია უფლებამოსილია

- ა) განახორციელოს საკანონმდებლო ინიციატივის უფლება
- ბ) შეკითხვით მიმართოს საკრებულოს წინაშე ანგარიშვალდებულ პასუხისმგებელ ორგანოებს;
- გ) მონაწილეობა მიიღოს საკრებულოს მუდმივმოქმედი კომისიების, დროებითი კომისიების, საკრებულოს დელეგაციების საქმიანობაში წარმომადგენლობის პრინციპის დაცვით;
- დ) წარადგინოს კანდიდატები ამ მუხლის „გ“ ქვეპუნქტში მითითებულ ორგანოებში, აგრეთვე გამოიწვიოს ფრაქციის წევრი ამ ორგანოებიდან, გადაწყვიტოს ფრაქციის წარმომადგენლობასთან დაკავშირებული სხვა შესაბამისი საკითხები;
- ვ) მოსთხოვოს საკრებულოს აპარატს ფრაქციის ოფიციალური მიმართვის გავრცელება საკრებულოს წევრებს შორის;
- ზ) რეგლამენტით დადგენილი წესით საკრებულოსა და კომისიების სხდომაზე გამოთქვას მოსაზრება საკრებულოს მიერ ასარჩევ, დასანიშნ ან იმ კანდიდატურებთან დაკავშირებით, რომლის დანიშვნაზეც თანხმობას აძლევს საკრებულო;
- თ) მოითხოვოს პოლიტიკური დებატების დღის დანიშვნა;
- ი) რეგლამენტით დადგენილი წესით სხდომის განმავლობაში ისარგებლოს გამოსვლით საკრებულოს სხდომაზე;
- კ) რეგლამენტით დადგენილი წესით, კენჭისყრის წინ მოითხოვოს საკრებულოს სხდომის არა უმეტეს 10 წუთიანი შესვენება;
- ლ) განახორციელოს კანონმდებლობით მისთვის მინიჭებული სხვა უფლებამოსილება;

თავი IV

ფრაქციის სტრუქტურა და საქმიანობის წესები

მუხლი 4.

1. ფრაქციის უმაღლესი ორგანოა ფრაქციის სხდომა.
2. ფრაქციის სხდომა, როგორც წესი ღიაა;
ფრაქციის სხდომა ფრაქციის სრული შემადგენლობის უმრავლესობის გადაწყვეტილებით შეიძლება დაიხუროს:
 - ა) ფრაქციის თავმჯდომარის ან ფრაქციაში გაერთიანებულ არანაკლებ 2 წევრის მოთხოვნის საფუძველზე;
 - ბ) კანონმდებლობით გათვალისწინებულ სხვა შემთხვევაში.
3. ფრაქციის სხდომები იმართება თვეში ერთხელ ან/და საჭიროებისამებრ. ფრაქციის სხდომის მოწვევის უფლება აქვს ფრაქციის თავმჯდომარეს საკუთარი ინიციატივით ან ფრაქციის არანაკლებ 2 წევრს წერილობითი მოთხოვნის საფუძველზე.
4. ფრაქციის სხდომა უფლებამოსილია, თუ მას ესწრება ფრაქციის წევრთა სრული შემადგენლობის უმრავლესობა.
5. ფრაქციის სხდომის დღის წესრიგს ადგენს და ფრაქციის სხდომას დასამტკიცებლად წარუდგენს ფრაქციის თავმჯდომარე.
6. ფრაქციის სხდომა, დღის წესრიგს ამტკიცებს ფრაქციის სხდომაზე დამსწრე წევრთა უმრავლესობით, მაგრამ არანაკლებ სხდომის გახსნისათვის (უფლებამოსილებისათვის) დადგენილი ზღვრის ნახევრისა.
7. დღის წესრიგში ცვლილებების (საკითხის ამოღება ან დამატება) შეტანის ინიცირების უფლება აქვს ფრაქციის წევრს. გადაწყვეტილება მიიღება ამ მუხლის მე-6 პუნქტით დადგენილი წესით.
8. თუ წესდებით სხვა რამ არ არის გათვალისწინებული, ფრაქციის სხდომაზე გადაწყვეტილებები მიიღება დამსწრე წევრთა უმრავლესობით, მაგრამ არანაკლებ ფრაქციის სრული შემადგენლობის ერთი მესამედისა.
9. ფრაქციის სხდომა უფლებამოსილია:
 - ა) შეიტანოს ცვლილებები და დამატებები ფრაქციის წესდებაში;
 - ბ) მიიღოს გადაწყვეტილება საკრებულოს სხდომაზე განსახილველი საკითხის შესახებ ფრაქციის ერთიანი პოზიციის გამოხატვის თაობაზე;
 - გ) აირჩიოს ფრაქციის თანამდებობის პირები;
 - დ) გადაწყვიტოს ფრაქციის საქმიანობასთან დაკავშირებული ცალკეული საკითხები;
 - ე) რეგლამენტით დადგენილი წესით წარადგინოს კანდიდატები საკრებულოს არჩევით თანამდებობაზე;
 - ვ) გადაწყვიტოს ფრაქციის წარმომადგენლობის კვოტების გამოყენების წესი;
 - ზ) შეიმუშაოს ფრაქციისათვის ბიუჯეტიდან გამოყოფილი თანხის ხარჯვის წესი;
 - თ) განიხილოს და გადაწყვიტოს ფრაქციაში საკრებულოს წევრის გაწევრიანებისა და ფრაქციის წევრის გარიცხვის საკითხი.
 - ი) განახორციელოს საკრებულოს რეგლამენტითა და ასევე ამ წესდებით გათვალისწინებული სხვა უფლებამოსილება.

მუხლი 5.

1. ფრაქცია თავისი შემადგენლობიდან ფრაქციის სხდომაზე, ფრაქციის წევრთა სრული შემადგენლობის უმრავლესობით, კენჭისყრით ირჩევს ფრაქციის თავმჯდომარეს.
2. ფრაქცია თავისი შემადგენლობიდან ფრაქციის სხდომაზე, ფრაქციის თავმჯდომარის წარდგინებით, ფრაქციის წევრთა სრული შემადგენლობის უმრავლესობით, კენჭისყრით ირჩევს ფრაქციის თავმჯდომარის მოადგილეებს.
3. ფრაქციის თავმჯდომარე:
 - ა) ხელმძღვანელობს ფრაქციის საქმიანობას;
 - ბ) წარმოადგენს ფრაქციას საკრებულოში და მის გარეთ;
 - გ) იწვევს და წარმართავს ფრაქციის სხდომას;
 - დ) ანაწილებს უფლებამოსილებებს ფრაქციის მდივანსა და დანარჩენ წევრებს შორის;
 - ე) ახორციელებს კანონმდებლობითა და წესდებით გათვალისწინებულ სხვა უფლებამოსილებებს.
4. ფრაქციის თავმჯდომარის მოადგილეები ასრულებენ ფრაქციის თავმჯდომარის მოვალეობას, ამ უკანასკნელის არ ყოფნის შემთხვევაში.
5. ფრაქციის თავმჯდომარის მოადგილეები ფრაქციის თავმჯდომარის დავალებით ახორციელებენ საქმიანობას დარგობრივად, სფეროების მიხედვით.
6. ფრაქციის თავმჯდომარეს და მის მოადგილეებს უფლება აქვთ ნებისმიერ დროს გადადგენ დაკავებული თანამდებობიდან.
7. ფრაქცია უფლებამოსილია გადააყენოს ფრაქციის თავმჯდომარე ან/და მისი მოადგილეები დაკავებული თანამდებობიდან, თუ ამას წერილობით მოითხოვს ფრაქციის წევრთა არანაკლებ ერთი მესამედი. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოესი სხდომის დღის წესრიგში. ფრაქციის თავმჯდომარე ან/და მისი მოადგილეები გადარჩეულად ჩაითვლებიან, თუ გადაწყვეტილებას მხარს დაუჭერს ფრაქციის წევრთა სრული შემადგენლობის უმრავლესობა.

მუხლი 6.

1. ფრაქცია თავისი შემადგენლობიდან, ფრაქციის სხდომაზე დამსწრე წევრების უმრავლესობით, კენჭისყრით ირჩევს ფრაქციის მდივანს. ფრაქციის მდივნის კანდიდატურის დასახელების უფლება აქვს ფრაქციის თავმჯდომარეს.
2. ფრაქციის მდივანი:
 - ა) ასრულებს ფრაქციის თავმჯდომარის დავალებებს;
 - ბ) ხელმძღვანელობს ფრაქციის შიდაორგანიზაციულ საქმიანობას;
 - გ) ახორციელებს სხვა უფლებამოსილებას;
3. ფრაქციის მდივნის გადარჩევა შესაძლებელია ფრაქციის თავმჯდომარის ან ფრაქციის წევრთა არანაკლებ ერთი მესამედის წერილობითი მოთხოვნით. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოესი სხდომის დღის წესრიგში. ფრაქციის მდივანი გადარჩეულად ჩაითვლება, თუ გადაწყვეტილებას მხარს დაუჭერს ფრაქციის სხდომაზე დამსწრე წევრების უმრავლესობა.

თავი V

ფრაქციის შემადგენლობა

მუხლი 7.

1. ფრაქციის წევრად შეიძლება გაწევრიანდეს საკრებულოს წევრი, რომელიც იზიარებს ფრაქციის პლატფორმას და წესდებას.
2. ფრაქციაში გაწევრიანებისათვის საკრებულოს წევრი განცხადებით მიმართავს ფრაქციის თავმჯდომარეს, რომელსაც საკრებულოს წევრის ფრაქციაში გაწევრიანების საკითხი შეეძს ფრაქციის უახლოესი სხდომის დღის წესრიგში, რისთვისაც ფრაქციის ფრაქციის სხდომას მოიწვევს არაუგვიანეს ორი კვირისა განცხადების წარდგენის დღიდან.
3. ფრაქციაში საკრებულოს წევრის გაერთიანების შესახებ გადაწყვეტილება მიღებულად ჩაითვლება ფრაქციის შემადგენლობის უმრავლესობის თანხმობით.
4. ფრაქციის წევრი ვალდებულია:
 - ა) დაიცვას ფრაქციის პოლიტიკური პლატფორმა და წესდება;
 - ბ) დაიცვა ფრაქციის სხდომის მიერ მიღებული გადაწყვეტილებები და ფრაქციის თავმჯდომარის მითითებები;
 - გ) არ განახორციელოს ფრაქციის პოლიტიკური კურსის საწინააღმდეგო ქმედება.
5. ფრაქციის წევრი უფლებამოსილია დადგენილი წესით გავიდეს ფრაქციის შემადგენლობიდან.
6. ფრაქციას უფლება აქვს სრული შემადგენლობის უმრავლესობით მიიღოს გადაწყვეტილება თავისი შემადგენლობიდან ფრაქციის წევრის გარიცხვის შესახებ, თუ:
 - ა) მისი საქმიანობა ეწინააღმდეგება ფრაქციის ამოცანებს;
 - ბ) მისი საქმიანობა ეწინააღმდეგება ფრაქციის პოლიტიკურ პლატფორმას;
 - გ) განზრახ ან ირიბად არღვევს ფრაქციის წესდების მოთხოვნას.
7. ფრაქციის წევრის ფრაქციიდან გარიცხვის მოთხოვნის უფლება აქვს ფრაქციის თავმჯდომარეს ან ფრაქციის წევრთა უმრავლესობას. ფრაქციიდან ფრაქციის წევრის გარიცხვის მოთხოვნა წერილობით უნდა იყოს დასაბუთებული.

თავი VI

ფრაქციის წესდების გადასინჯვა

მუხლი 8.

1. ფრაქციის წესდების გადასინჯვის ინიცირების უფლება აქვს ფრაქციის თავმჯდომარეს, ფრაქციის არანაკლებ 1/3-ს;
2. ფრაქციის თავმჯდომარე ვალდებულია წესდების გადასინჯვის პროექტი გააცნოს ფრაქციის ყველა წევრს და საკითხის ინიცირებიდან ერთი თვის ვადაში იგი შეიტანოს ფრაქციის სხდომის დღის წესრიგში.

3. ფრაქციის წესდების გადასინჯვის შესახებ გადაწყვეტილებას იღებს ფრაქციის სხდომა, თუ მხარს დაუჭერს ფრაქციის სრული შემადგენლობა.

თავი VII ფრაქციის გაუქმება

მუხლი 9.

ფრაქცია ჩაითვლება გაუქმებულად, თუ ფრაქციიდან წევრთა გასვლის ან გარიცხვის შედეგად მასში გაერთიანებული დარჩება საკრებულოს 3 წევრზე ნაკლები.